



TEKS UCAPAN ALUAN

OLEH:

**YBHG. DATO' DR. ZAINAH BINTI IBRAHIM
TIMBALAN KETUA PENGARAH
(PEMBANGUNAN)
PLANMalaysia
(Jabatan Perancangan Bandar dan Desa)**

SEMPENA:

**SAMBUTAN HARI PERANCANGAN BANDAR
SEDUNIA DAN HARI HUTAN
ANTARABANGSA
PERINGKAT NEGERI PAHANG TAHUN 2019**

PADA:

**4 NOVEMBER 2019
BERSAMAAN 7 RABIUL AWAL 1441H**

BERTEMPAT DI:

PANTAI AIR LELEH, PEKAN, PAHANG

بِسْمِ اللَّهِ الرَّحْمَنِ الرَّحِيمِ

السَّلَامُ عَلَيْكُمْ وَرَحْمَةُ اللَّهِ وَبَرَكَاتُهُ

dan Salam Sejahtera.

Terima kasih Saudara dan Saudari
Pengacara Majlis,

**YAB DATO' SRI WAN ROSDY BIN
WAN ISMAIL**

Menteri Besar Pahang

**YB DATO' SRI HAJI ISHAK BIN HAJI
MUHAMAD**

Yang DiPertua Dewan Negeri Pahang

YB DATO' SRI HAJI MOHD.

SHARKAR BIN HAJI SHAMSUDIN

EXCO Pelancongan, Alam Sekitar dan
Perladangan Negeri Pahang

**YB DATO' SRI IR. HAJI MOHD.
SOFFI BIN TAN SRI ABD. RAZAK**
EXCO Pertanian, Industri Asas Tani
dan Bioteknologi Negeri Pahang

**YB DATO' SRI NOROLAZALI BIN
SULAIMAN**
EXCO Kemudahan Asas, Sistem
Penyampaian Awam dan Inovasi
Negeri Pahang

YB ENCIK ABD RAHIM BIN MUDA
EXCO Kerajaan Tempatan dan
Perumahan Negeri Pahang

**YB DATO' SRI DR. SALLEHUDDIN
BIN ISHAK**
Setiausaha Kerajaan Pahang

**YB DATO' SRI HAJI
SHAMSULBAHRI BIN HAJI
IBRAHIM**

Penasihat Undang-Undang Negeri
Pahang

**YB DATO' INDERA HAJI MOHAMAD
ROSLAN BIN HARUN**

Pegawai Kewangan Negeri Pahang

YH DATO' MOHD RIDZA B. AWANG

Ketua Pengarah Perhutanan
Semenanjung Malaysia

**YH DATO' DR. MOHD HIZAMRI BIN
MOHD YASIN**

Pengarah Jabatan Perhutanan Negeri
Pahang

**Y. BRS. PUAN HARIZAH BINTI
DATO' HAJI HASSAN**
Pengarah PLANMalaysia@Pahang

YH DATO' ZALIZA BIN ZULKIPLI
Pegawai Daerah dan Tanah Pekan

**YH DATO' ROSE SHAMSUL BIN
ABDUL RAZAK**
Yang DiPertua Majlis Daerah Pekan

***YANG AMAT BERHORMAT,
DATO' SRI, DATO'- DATO', TUAN-
TUAN DAN PUAN-PUAN YANG
DIHORMATI SEKALIAN.***

PENDAHULUAN

1. Alhamdulillah, syukur kita ke hadrat Allah swt kerana dengan limpah kurniaNya, kita telah diberi ruang dan kesempatan untuk bersama-sama pada pagi ini bagi menyambut **Hari Perancangan Bandar Sedunia (HPBS)** dan **Hari Hutan Antarabangsa (HHA)** **Peringkat Negeri Pahang** bagi tahun **2019**.

2. Terlebih dahulu, saya ingin mengucapkan setinggi-tinggi penghargaan kepada **Yang Amat**

Berhormat Dato' Sri Wan Rosdy Bin Wan Ismail, Menteri Besar Pahang, yang sudi melapangkan masa untuk hadir merasmikan majlis pada pagi ini. Kehadiran YAB Dato' Sri amatlah dihargai sekaligus menggambarkan komitmen dan sokongan yang tinggi daripada pihak pimpinan Kerajaan Negeri Pahang dalam aspek perancangan bandar dan desa serta kelestarian alam semulajadi.

3. Ucapan terima kasih juga kepada Dato'-Dato' EXCO Kerajaan Negeri, Ketua-Ketua Jabatan dan Agensi di peringkat persekutuan, negeri dan daerah, wakil-wakil Jabatan, serta pemimpin-pemimpin masyarakat kerana sudi melapangkan masa untuk bersama-sama bagi meraikan sambutan Hari Perancangan Bandar Sedunia (HPBS) dan Hari Hutan Antarabangsa (HHA) Peringkat Negeri Pahang bagi tahun 2019.

4. Sejarah tercipta dimana buat pertama kalinya kerjasama di antara kedua-dua jabatan diadakan bagi Peringkat Negeri Pahang. Semoga banyak lagi sambutan seperti ini akan diadakan pada masa akan datang dan ianya merupakan satu kerjasama yang strategik. Melalui kerjasama ini dapat menunjukkan betapa pentingnya peranan dan saling memerlukan di antara perancangan bandar dan kepentingan pengekalan kawasan hutan.

***YANG AMAT BERHORMAT,
DATO' SRI, DATO'- DATO', TUAN-
TUAN DAN PUAN-PUAN YANG
DIHORMATI SEKALIAN.***

**LATAR BELAKANG SAMBUTAN
HARI PERANCANGAN BANDAR
SEDUNIA (HPBS) 2019**

5. Sambutan Hari Perancangan Bandar Sedunia atau dikenali sebagai HPBS ialah hari istimewa untuk juru rancang bandar (town planner) bagi memperingati peranan dan sumbangan mereka dalam melaksanakan

pembangunan mampan. Ianya bermula dari cetusan idea *Prof Carlos Maria Della Paolera*, seorang cendekiawan perancangan bandar terkenal dari Argentina pada tahun 1949 yang menetapkan 8 November setiap tahun sebagai Hari Perancangan Bandar Sedunia. Namun, bagi PLANMalaysia sepanjang bulan November dianggap sebagai Bulan Perancangan Bandar Sedunia. Jabatan Perancangan Bandar dan Desa atau kini dikenali sebagai

PLAN Malaysia menjadikannya acara tahunan semenjak tahun 1988.

JUSTIFIKASI TEMA SAMBUTAN HPBS 2019

6. Tema sambutan HPBS pada tahun ini adalah ***“Green And Community: Together Is Better”*** iaitu pendekatan ke arah merancang dan melaksanakan pembangunan yang mampan serta mendidik masyarakat akan kepentingan memelihara alam

sekitar ke arah persekitaran yang kondusif dan lestari.

7. *Green* atau Hijau yang dimaksudkan adalah berkaitan dengan **Teras 2** dalam **Rancangan Fizikal Negara Ke-3 (RFN-3)**, iaitu **Kemampuan Spatial dan Daya Tahan Terhadap Perubahan Iklim** dimana sasaran Malaysia untuk mencapai Negara Rendah Karbon dengan pengurangan sebanyak 50 peratus pelepasan gas karbon dioksida pada tahun 2040.

8. *Community* pula menggambarkan masyarakat yang perlu bersama-sama dengan pihak Kerajaan dalam usaha-usaha menggiat dan melaksanakan inisiatif-inisiatif kerajaan ke arah pembentukan komuniti inklusif dan berdaya huni.

***YANG AMAT BERHORMAT,
DATO' SRI, DATO'- DATO', TUAN-
TUAN DAN PUAN-PUAN YANG
DIHORMATI SEKALIAN.***

SAMBUTAN HPBS 2019

9. Majlis Sambutan HPBS 2019 Peringkat Kebangsaan kali ini akan diadakan di **Dataran Kemerdekaan Shah Alam, Selangor pada 10 November 2019 (Ahad)**. Untuk makluman, PLANMalaysia telah juga melaksanakan sambutan HPBS di setiap negeri bermula di Negeri Perlis pada 24 September 2019 dan akan berakhir di Negeri Kelantan pada 14 November 2019 (Khamis).

10. Selaras dengan tema sambutan pada tahun ini, PLANMalaysia telah mensasarkan penanaman sebanyak **3,000 batang pokok** dengan penglibatan 10,000 orang di seluruh negeri. Difahamkan sempena Sambutan HPBS dan HHA Peringkat Negeri Pahang pada tahun ini, Negeri Pahang telah memberikan komitmen untuk menanam sebanyak **300 batang pokok dan membuat edaran sebanyak 500 batang pokok** kepada masyarakat setempat.

Jumlah keseluruhan adalah sebanyak **800 pokok** yang akan ditanam dengan penglibatan 1,000 orang. Tahniah kepada Kerajaan Negeri Pahang.

11. Selaras dengan HPBS, Kementerian Wilayah Persekutuan melalui PLANMalaysia juga telah mengadakan program **Anugerah Kejiranan Hijau** dan **Penghargaan Bandar Mampan (MURNInets)** bagi memberi galakan kepada Kerajaan Negeri dan Pihak Berkuasa Perancang

Tempatan (PBPT) untuk meningkatkan kualiti kehidupan masyarakat melalui program-program penghijauan dan penglibatan penduduk setempat. Pemenang-pemenang akan diisytiharkan dalam Majlis HPBS Peringkat Kebangsaan yang akan diadakan di Dataran Kemerdekaan Shah Alam pada 10 November nanti.

WAWASAN KEMAKMURAN

BERSAMA 2030 (WKB2030).

WKB2030

12. Pada 5 Oktober yang lalu, Kerajaan Persekutuan telah melancarkan **Wawasan Kemakmuran Bersama 2030 (WKB2030)**. **WKB2030** ialah dokumen yang menggariskan matlamat 10 tahun untuk menjadikan **Malaysia sebagai sebuah negara yang terus membangun secara mampan**

seiring dengan pengagihan ekonomi yang adil, saksama dan inklusif.

13. Turut disentuh dalam WKB 2030 adalah Aktiviti Ekonomi Hijau, yang merangkumi aktiviti seperti pengangkutan lestari, jaminan bekalan makanan, bandar pintar dan lestari, pembangunan persisir pantai yang mampan, dan teknologi adaptasi iklim. Ekonomi hijau juga merujuk kepada pembentukan sebuah ekonomi

kitaran yang mampu beroperasi tanpa sisa buangan iaitu *zero waste*.

14. Adalah menjadi tanggungjawab kita sebagai penjawat awam dan anggota masyarakat untuk menggembeleng tenaga bagi menjayakannya. Kepada Pihak Berkuasa Perancang Tempatan pula, dokumen ini nanti akan menjadi wadah baharu dalam merealisasikan komuniti rendah karbon yang dicita di kawasan

pentadbiran masing-masing
dengan lebih efisien.

PENUTUP

***YANG AMAT BERHORMAT,
DATO' SRI, DATO'- DATO', TUAN-
TUAN DAN PUAN-PUAN YANG
DIHORMATI SEKALIAN***

15. Sebagai mengakhiri ucapan saya ini, sekali lagi saya ingin merakamkan ucapan jutaan terima kasih tidak terhingga khususnya kepada Kerajaan Negeri Pahang di

bawah kepimpinan YAB Menteri Besar di atas komitmen dan sokongan padu yang telah diberikan. Seterusnya kepada semua yang terlibat secara langsung ataupun tidak langsung dalam menjayakan Majlis Sambutan Hari Perancangan Bandar Sedunia dan Hari Hutan Antarabangsa Peringkat Negeri Pahang bagi tahun 2019.

16. Semoga setiap usaha dan tenaga yang telah dicurahkan, akan mendapat keberkatan daripada

Yang Maha Esa jua. Berbekalkan doa dan harapan, agar kesinambungan persekitaran hidup yang berkualiti dan mampan dapat terus dikecapi oleh seluruh pewaris bangsa di masa hadapan.

وَبِاللَّهِ التَّوْفِيقِ وَالْهُدَايَةِ السَّلَامُ عَلَيْكُمْ وَرَحْمَةُ اللَّهِ وَبَرَكَاتُهُ

Sekian, terima kasih.